




MAH DELB>RT?

LUHPEHTS GUVVIEJUEKEMEN
BÏJRE NOERI GASKEM



POLITIET



MAAHTA JUAKASOVVEDH. MEN BYÖROE?

Pollise aktem ööhpehtimmieboelkem noereskuvlelearoehkidie bæjhkohte 2019 juktie juekemem seksualiseradamme guvvijste heerredidh. Ööhpehtimmieboelkhe lea nommem åadtjeme «Gåarede juekedh?», jih lea evtiesovveme dan åvteste daan beajjetje noerh mobijlesne jieliminie, jih apph nuhtjeh mah guvvide, videovidie jih juekiemasse sjiehteleddieh. Daan juekemekultvren gaavhtan gaatesjen noerh vaeltieh – jih geerjehtieh guvvieh jih videovh jütsistie jih mubijste.

Meedijevaaksjomen Maanah jih meedijah-goerehtimmien mietie 2018 dellie 13 prosenth aaltarisnie 13-18 jaepieh båadtsoesguvvieh jütsistie nedtesne juakeme dan minngemes jaepien. Mijjieg sijhetebe hööptedh daate prosente lässene.

Jeenjesh eah daejrieh dah daamtaj bysvoeh dastegh dagkerh guvvieh vaeltieh, vöörhkieh jih juekieh.



Siejhme laakh jih njoelkedassh aaj faamosne mobijlese. Men mijjeh vuejnebe jeenjesh vienhtieh dah leah vielie tjeakoes nedtesne, jih daate viehkehte raastide nåhkehtidh guktie edtjeh dåemiedidh.

Pollise lea gellie aamhtesh vuajneme gusnie noerh båadtsoesguvvieh seedtieh naakenidie mejtie leajhtadieh, men guvvie läjhkan guhkiebasse haasene. Daate luhpehts, jih juekeme akte stoerre maajsoe sjædta dísse giestie båadtsoesguvvieh haasenieh.

Säemies aadtjen vuesiehtimmieh riektes jieliedistie:

Akte 17 jaepien båeries baernie aktem njejtem filmede mij satnem slåvhpa. Njejte ij daejrieh baernie filmede. Videove guhkiebasse seedtesåvva voelpide mah videovem mubpiejgumie juekieh, jih filme varke haasene gaskeviermesne.

Akte 16 jaepien båeries njejte göökte almetjh vuelelen 18 jaepieh filmede mah sexem utnieh, jih filmem olkese beaja sosjaale meedijidie. Filme naa varke båarhte vaaltasåvva, men joekoen jeenjesh leah joe filmem vuajneme jih sjeermeguvvieh filmeste vaalteme.

Akte 16 jaepien båeries njejte aktem båadtsoesguvviem jijtsistie sov müelehkasse seedtie. Mænngan baernie njejtem sleajhta jih baernie guvviem guhkiebasse seedtie sov voelpide mah vihth guvviem jeatjabidie seedtieh. Njejte ij vielie daejrieh man gellie mah guvviem utnieh. Guvvie olkese biejesåvva akten pornografeles nedtesæjjan.

NÖÖRJEN LAAKH AAJ FAAMOSNE MOBIJLESNE

EAH LAAKEM DAMTH




Gellie noerh eah laakide damth jih eah daejrieh gusnie raasth juhtieh. Easkah mænnan vueptiestieh sijjieh eah kontrollem utniesh dan bijjelen maam juakeme – jih dellie daamtaj fer seenhte.

Båadtsoesguvvieh jih sex-videovh mah nedtesne juakasuvvieh, leah geerve destie vaeltedh. Jis daajra akte båadtsoesguvvieh nedtesne haasene dellie dihte akte leevles maajsoe, joekoen maanide jih noeride. Doh jeanatjommes noerh guarkoeh vestieslaakan guhkiebasse seedtedh, men daejrieh daate lea luhpehts?

Bysvehtslaake jeahta:

Ij leah luhpie seksualiseradamme guvvieh seedtedh naakenidie vuulelen 16 jaepieh, jallh naakenidie båarasåbpoe mah eah leah luhpiem dísse vadteme.


Siejhmiedelaakan luhpehts **VAELTEDH, UTNEDH** jallh **JUEKEDH** båadtsoesguvvieh jallh filmem naakenistie mah eah leah 18 jaepieh illeme. Men bysvehtse maahta heajtasovvedh dastegh baernie/niejte aktem båadtsoesguvviem naakenistie åtna mij luhpede díhete daam guvviem åtna (vuesiehtimmien gaavhtan mielehke), jis dah leah ovrehte seamma aaltarisnie jih evtiedimmesne, jih díhete mij lea guvvesne lea gaskem 16 jih 18 jaepien båeries. **Saaht guktie luhpehts guvviem guhkiebasse juekedh.**



IJ SIEJHME

Jis jeenjesh vienhtieh dagkeres guvviejkeme lea joekoen siejhme, såemies maehtieh deadtovem damtedh seammalaakan darjodh.

Dan åvteste vikeles tjiertestidh doh jeanatjommes noerh eah båadtsoesguvvieh seedth. 87 prosenth aaltarisnie 13-18 jaepieh jiehtieh dah eah leah dam dorjeme dan minngemes jaepien..



MAAM EEJHTEGH MAEHTIEH DARJODH?

Noerh tjuerieh daejredh dah maehtieh sijen åeliejgujmie jallh jeatjah geerve almetjigujmie soptsestidh mejtie leajhtadieh, jis mestie akt tjooperdieh mij lea nedtesne sjugniehtovveme. Soptsesth dov maanajgujmie, gihtjh gyhtjelassh jih soptsesth konsekvensi bijre luhpehts guvviejuekiemistie – guktie datne maahtah dov maanam viehkiehtidh hijven veeljemh darjodh. Giese raaktan seedtieh? Mah *luhpie*? Mah öörnegisnie? Jih enn jis guvvie guhkiebasse haasene?

[politiet.no/delbart](#)

Maanah leah almetjh mah leah jallh däemiedieh goh vueelen 18 jaepieh.

GÅAREDE JUEKEDH?

*Dov maana dååjreme dan guvvieh
leah haasenamme?*

**Vaeltede sjeermeguvvieh jih vihtiestidie gieh
leah juakeme, jih gusnie jih gæssie guvvie lea
juakasovveme.**

**Bieljelidie don sjyöhtehke applikasjovnese
jallh nedtediennesjasse.**

**Gaskesadtede pollisem tell. 02800 jallh
mìnne lïhkemes pollisestasjovnesne.**



DAAJRAH RAAKTAN MAAM GÅAREDE JUEKEDH?

Vaeltieh teestem daesnie
politiet.no/delbart